



BEINVEGINI

La radunanza generala annuala ei cumbinada mintgamai cun ina tscheina communala. Quei dat la caschun da seser da cumpignia e per mei persunalmein ei quei termin in dils puncts culminonts da miu uffeci. Igl emporta nuot co la radunanza ei ida, suenter san ins puspei star ensemes, tschintschar e sediscuorer. Ei secapescha buca da sesez ch'il persunal s'engascha quella sera, cun star davontier, endrizzar, cuschinari e survir, ellas ed els possibiliteschan suenter la radunanza quell'occurenza speciala. In grond e resentiu engraziol fetg meretan ellas ed els per quei grondius engaschi. Engraziari vi jeu denton era a votantas e votants per lur participaziun als fatgs politics dalla vischnaunca. In engraziament cunzun allas persunas che semettan a disposiziun per in uffeci ni ina incumbensa en nossa biala vischnaunca. Quei ei in bi segn ch'eis d'appreziar, igl ei in cumpliment per Laax.

Franz Gschwend, Gemeindepräsident

Dieser Link führt Sie zu den Novas da Laax in Deutsch und Rätoromanisch.



PUBLIC VIEWING CAMPIONATI EUROPEI DA BALLAPEI

Il countdown dalla gronda fiesta da ballapei da questa stad entscheiva prest. Mirar giugs da cumionza cun auters fans da ballapei fa aunc pli grond plascher. En dus loghens san ins far quei dils 14 da zercladur tochen ils 14 da fenadur 2024, cun entrada libra:

- Wellnesshostel Aua Grava
- Rocksresort

IMPRESSUM:

Novas da Laax, Vischnaunca da Laax
Cumpara: mintga dus meins la fin dil meins
Proxima edizion: 27 da fenadur 2024
Ideas per tematicas: tochen ils 13 da fenadur 2024
Redacziun: Domenica Flütsch
Contact: admin@laax-gr.ch



Squadra da cuschina en aciun.

REVISTA SILLA RADUNONZA COMMUNALA DILS 13 D'AVREL 2024

Miez avrel ei la radunanza communal da calonda mars stada. Lna sentupada annuala ha giu bia tractandas e biaras votantas e votants han visitau ella. Bunamein 200 convischinas e convischins ein entra-ri ell'aula, tuttas e tuts ein selegrai dalla part hilarica suenter la radunanza. Suenter la presentaziun ed approbabziun dil quen annual dalla vischnaunca, dils quens dil Consorzi da scola Laax-Falera-Sagogn-Schluein e dalla Pro Laax ein las elecziuns suandadas. Igl ei gartegiau d'occupar bu-

namen tut ils posts vacants. Suenter la part ufficiala ha il president envidau agl apero ora el liber. Duront ch'ils hospes han gudiu quel ha la squadra dil persunal da vischnaunca transformau l'aula en ina sala da banchet nua che emploiadadas ed emploiau han surviu ina tscheina cun pre-past, past principal e dessert. La truppa engaschada ei stada en aciun l'entira sera cun survir e pupergnar ils hospes. Musica populara ha embelliu quella sera fes-tiva e cumadeivla.



KALENDER

Venderdis, 31 da matg 2024

Concert dalla Scola da musica
La fundaziun Pro Laax envida a concert.
19.00, aua scola Grava Laax

Sonda, 8 da zercladur 2024

DISCO cun Oldies Bar
L'Uniun da giuventetgna Laax porscha tem-
pra da party!
21.00, aula scola Grava Laax

Apero da beinvegni per novs habitants

Tegia d'uaul Salums Sura,
Liug da s'entupar : Posta Laax, allas 17.00

Venderdis, 14 da zercladur 2024

Miez miurs e miez utschals LIVE
Transmissiun live cun maletgs unics ord la col-
onia da miez miurs e miez utschals el sur-
combras dalla baselgia parochiala da Laax.
20.00, baselgia parochiala Laax

Dumengia, 23 da zercladur 2024

Avertura exposiziun speciala Museum Laax
Exposiziun pigl anniversari da 50 onns
Fundaziun Pro Laax.
16.00, museum Laax

28 da zercladur /19 da fenadur 2024

Café nocturn el museum Laax

Las localitads dil museum da Laax ein in
ambient ideal per in sitg cumadeivel, cir-
cumdaus da historia. Il medem mument
seporscha la caschun da vegnir en discours
e d'entupar hospes ed indigens.
18.00 – 24.00, museum Laax

Sonda/dumengia, 20/21 da fenadur 2024

Fiesta d'affons, 10.00 – 16.45, Lag Grond
Attracziuns, giugs e gaudi per tuttis affons e
lur famiglias. www.kinderfest-laax.ch

ILS ORGANS COMMUNALS EIN SECONSTITUI DA NIEV

Presiden: Franz Gschwend

Administraziun generala, finanzas, taglias,
economia, pauperesser e provediment so-
cial.

Vicepresident: Beat Camathias

Baghegiareller, vias, aquaduct, canalisazi-
un, dismessa da rumians (gruppa da luvrers
communals) e polizia da baghegiar.

Rudolf Wieser

Scola e sanitaresser, sport

Irina Beer-Killias

Agricultura, alps, protecziun da natira ed
ambient, turissem e cultura

Othmar Schärer

Fatgs da polizia, pumpiers, militer e schur-
metg civil, forestalessrer e fatgs da santeri.

Cumissiun da quen e gestiun

Bruno Arpagaus vegn confirmaus en siu
post. Silas Räber e Cédric Brunols vegnan
elegi da niev ella cumissiun. Michael Ha-
begger ei da niev substitut dalla cumissiun.

Cumissiun da baghegiar

Erwin Albin e Christoph Bass vegnan confirmai
en lur posts. Flurin Capaul e Severin Müller ent-
ran da niev ella cumissiun.

Fundaziun Pro Laax

Toni Camathias succeda ad Erwin Ardüser
sco president dalla fundaziun. Franz
Gschwend vegn confirmaus sco commem-
ber. Novs commembers dil cussegli da fun-
daziun davanttan Eliane Bernasocchi, Marita
Buchli e Damian Cavelti.

RADUNONZA GENERALA SENDAS DA VIANDAR DIL GRISCHUN

La vischnaunca da Laax selegra da beneven-
tar igl 1 da zercladur 2024 la radunonza ge-
nerala dall'uniu Sendas da viandar dil Gris-
chun. Nus giavischein a tuttas participantas
e participantis ina dieta e dimora impressiu-
nonta, interessanta e da success. En quei
connex cheu in tipp da viandar dall'organiza-
ziun:

*Per liung ils cunfins sil Laaxer Stöckli
Nagens – La Siala – Laaxer Stöckli –Bünd-
nerbergjoch – Alp Nagens*

Nua ch'igl ei gl'unviern bia truscha, semuen-
tein nus la stad sin trutgs solitaris tras terri-
tori aultalpin. La ruta meina sur pastiras,

fils, garveras, sco era tras vasta cuntrada da
cars cun biaras fossilias. Per far quella tura
ston ins esser segirs el pass ed era ella bal-
lontscha. En loghens greppus duvrein nus ils
mauns. Da Nagens viandein nus tochen sillla
Siala. Da leu reveinn nus sil fil denter Glaruna
e Grischun sur il Péz Grisch, tochen el ter-
ritori dil Vorab.Cheu, amiez il patrimoni
mundial Sardona, san
ins capir meglier l'evolu-
ziun dallas Alps. Cul su-
andont code QR vegnis
Vus direct sillla app da
Swisstopo che infor-
mescha dalla ruta.



TREIS DAMONDAS A RUDOLF WIESER

1. Rudolf Wieser, tgei giavisch haveis Vus per la vischnaunca da Laax?

Jeu giavischel ch'ella perdi buca, malgrad
il carschen spert, sias ragischs e tradizi-
uns. E ch'ella resti aschi simpatica sco
quei ch'ella ei.

2. Tgeinin ei vies liug preferiu cheu Laax?

Ei dat fetg biars bials loghens ch'jeu gau-
del, cunzun sch'jeu mondell a spass cul-
taun. Sch'jeu stuess sedecider per in liug

fuss quei in ruasseivel tschespet al Lag
Grond, e gl'unviern in sil Crap Sogn Gion.

3. Da tgei selegreis Vus il pli fetg en Vies niev uffeci da gerau?

Da biars discours interessants culla popula-
ziun, e ch'jeu sai contribuir directamein pil
svilup da Laax. In plascher special hai jeu
ch'jeu astgel s'engaschar per la scola e cun-
quei per la giuventetgna e la generaziun gi-
uvna da Laax.

